

## 重阳菊

重阳菊，重阳菊。

初一凉风至，初九开郁郁。

移来白石侧，知子爱幽独。

行人长碌碌，相顾意迟迟。

花开但如此，复问凋零时。

婉转如流盼，缠绵似有思。

遥遥来入梦，与我深深言。

今时能自好，岂为邀君怜？

月澈见清容，苔寒觉冷馥。

开落俱如约，未期得注目。

抱得三秋信，生当白帝盟。

世间纵不赏，花事须勤终。

君不见造化胜人本有情，

寸草之盟终不误，

未似人心动相负。

## 译诗

Four ducks on a pond

A grass bank beyond

A blue sky of spring

White clouds on the wing

What a little thing

To remember for years

To remember with tears

池塘春草数鸭俱，万里晴云一翼飞。  
旧景经年成琐忆，觉来所获是沾衣。

### 回文诗

秋意着人偕月瘦，远思寒梦锁帘钩。  
幽屏晚照残花鬓，酒酿新尝更觉愁。

### 秋凉

秋凉深处补衣缘，旧夏临行执手教。  
一夜灯前人不语，中庭梧叶落萧萧。

### 沾衣

月明人北望，望取只沾衣。  
君客深寒处，莫耽风雪归。

### 沾襟

归来得尺素，一读一沾襟。  
千里相思地，凉风吹远人。

### 登高

远客莫登高，高台风似刀。  
烟余溶落日，天际漫蓬蒿。  
有酒添新瘦，无家洗旧袍。  
谁怜羁旅地，夜夜思心劳。

### 重阳

重阳征雁尽，何事倚栏干？  
天在杯中远，菊留鬓上残。  
蛾眉辞晓镜，别绪锁清欢。  
芦管吹烟月，忽增楼上寒。

### 五古赋得城北山塘

轻车独去泊，一水出城郭。  
露积花光浓，潭闲烟色薄。  
风平双燕斜，云碎一鱼跃。  
食者获其鱼，渔人得此乐。  
观棋无黑白，临酒忘清浊。  
人静籁声轻，时知木叶落。

### 故人

故人辞我在天涯，卮酒浇成萧鬓华。  
今夕月明遥万里，碧烟织处去寒车。

### 波心

波心一棹远平沙，长认他乡做自家。  
尽把清歌凭过客，江深不见泪些些。

### 思故人

一觉西洲梦，南风又几番。  
独怜四海客，谁共五湖竿？

与饮疏桐月，孤行静夜辕。

露滋人不寐，敲竹忆梁园。

### 仲夏即事

红弦小字寂生涯，未许相思凋鬓华。

别后情怀难语雁，觉时眷念欲浮槎。

残垣犹显三春色，明月曾成千里嗟。

寻觅几番清梦里，不辞直至长风沙。

### 七夕两首

#### 其一

七月织纨素，柔丝结万匹。

玉杓转孟秋，星浦何明历。

蟋蟀入幽室，絮声如有觅。

起穿红线丝，弦月映东壁。

箕斗灿无休，人生百岁已。

个中更别离，思此泪沾臆。

凉风吹床帟，遥看长河夕。

#### 其二

秋夕夜何其？招摇复指西。

蛩音惊白露，乌鹊寂南枝。

辗转不成寐，当窗理长丝。

不觉清商发，凉风入罗衣。

人间乞巧日，天上重逢时。

牛女隔年会，可盼万世期。  
人生无万世，何堪久别离？  
银汉不罹苦，斯人徒伤悲。

### 题月

夜明寒水成歌调，晓洗边城更入诗。  
非为世人累皎月，只缘天下尽相思。

### 次友人韵

春来何处是佳园？曲径流连意万千。  
今夕月明杯酒浅，明朝云漠路途艰。  
桃花溶尽胭脂雨，杜宇啼寒离别天。  
白絮有心随碧柳，因风无力去天边。

### 贵州支教

露重布衣冷，风尘过大江。  
波声续远唱，山影补残墙。  
月浸寒桑绿，烟迷野稻茫。  
东风吹不尽，何日度西疆。

### 船头见月

凌波碧影两沧浪，暗起相思共夜长。  
月色不分云两处，伊人独在水一方。  
离眸黯淡迷幽梦，露水清圆是故乡。  
落魄琴书泽国客，缙衣漫卷作清狂。

### 杜鹃辞

凤尾香罗绛色深，团团似簇望帝心。  
无意染得杨妃色，有心释尽西子魂。  
香脸半开何迁次？东风捎得花信至。  
酝酿深情转瞬发，琼枝开满相思字。  
燕脂未匀萼绿初，水帘晖映影疏疏。  
重幕浮游香迷乱，玉栏烘暖红模糊。  
杜宇寒砧歌一阕，胭脂影溶昏黄月。  
若将杜宇拟杜鹃，花泣香红鸟啼血。  
杜鹃花鸟两知音，落红残血乱纷纷。  
春归哪得随春去？寂寞空庭淡月痕。

### 菊花谣

梅花相忆竹相知，一样花开独开迟。  
秋雨洗出秋香色，碧霖染就碧玉枝。  
雁抹斜阳香暗度，老圃黄花三秋暮。  
乱入花影何处寻？西风不识东篱路。  
落丝千寸恨发长，玲珑夜月玲珑妆，  
一夜花底蛩声碎，惊破秋心秋梦凉。  
抱膝长吟舞缃袂，把盏浅菊人空醉。  
淡月来往云轻流，黄花凝露如秋泪。  
无情偏惹情思扬，屈平陶令费思量。  
一枝随意欹石畔，任他千古作评章。

## 玉笋行

长亭复长亭，飞檐挂月明。  
月华逐流水，流水伴筝声。  
玉柱雁行悄，紫弦拂红绡。  
新桐斜倚案，卷帘天自高。  
缓抹眉黛低，轻轮踟蹰意。  
回滑有所思，扫摇疾风起。  
拂手随雁行，风住水泠泠。  
泛泛弦轻点，滴沥平沙中。  
促弦弹旧曲，清商水流去。  
故人清江畔，相思复几许？  
芦荻初落雪，水央飘白絮。  
江花送残英，零乱如红雨。  
昔时花亦发，相对诵蒹葭。  
晨书争陋案，暮雨闲分茶。  
霜浓木榻凉，秋尽夜初长。  
秉烛研格致，擎灯习九章。  
犹忆寒冬末，同奏梅花落。  
君箫我玉笋，幽韵传四座。  
箫冷白露微，筝清月影碎。  
余韵尚悠悠，故人分南北。  
燕地花如雪，月寒短歌缺。  
流年淘旧友，只影吊前约。  
吴山应淡远，汀渚苔痕浅。  
知音自隔江，何必出长叹。

余音袅袅落，远碧江天阔。

何当共兰舟？芳洲采杜若。